

四明叢書

張宗祥



序

證山周斯盛撰

自古詩人之窮未有如孟郊者也觀其移居詩借車載  
家具家具少於車可見然唐世重得第以杜甫之才獻  
賦天子召試學士院竟不能得蓋其難也郊年幾五十  
一舉得之又所厚有鄭餘慶韓愈樊宗師張籍之徒及  
其叔父簡各以勢位文章名重當世提挈標榜足記死  
生惟溧陽令厭其耽詩廢職分半俸與假尉然猶可以  
養母而終無一人惡之者是窮之中猶有足幸者焉猶

以年僅六十有四卒又無子爲不幸之至者然其詩之  
招擢胃腎劇鉅心目八九百年閒莫之能逮窮於身而  
不窮於後又不可謂非大幸也今吾友宗誼正庵蓋詩  
人而窮者也其爲人沖然悶然不爲刻意亢俗之行亦  
不能治家人生產自少壯時輒棄去舉子業不事唯日  
坐所爲南樓者剗心於詩所與游又皆貧悴失職之侶  
無錢財以振其飢凍無勢位以資其聲譽久之詩日積  
家日落而南樓亦頽然將圯矣出爲村夫子教授生徒  
且有怒而詬讓之者殆較孟郊之窮有甚焉矣意者

正庵行年七十而猶強健有子有孫爲遠勝于郊也耶  
然則古今人之窮其不同有如是邪夫郊之詩固足以  
行後然亦必有賢士大夫爲之先後而名益彰今觀正  
庵詩冲澹幽峭不爲蹈襲其力宜不至湮沒無傳而交  
游無故相興元尹諸公宗人亦無有如觀察使者無所  
藉於今而有所藉於後此正庵之所以爲窮雖然賈島  
之窮與郊不異島之詩當時有嗜之者至鑄像事之呼  
之爲佛而郊獨無有唯徐渭擬之爲河豚江瑤柱又惡  
知數百年後不有嗜正庵詩如渭者乎正庵其聽之毋

戚也正庵與余交始自壬寅其前所與遊者零落略盡  
唯董劍鐔曉山無恙亦窮而工詩者因正庵似曉山以  
爲何如與乙巳冬余嘗選其南樓詩己酉春又選其湖  
上草皆爲之序且手錄而歸之丁卯夏復盡彙其稿屬  
余芟輯而余亦衰拙不復能手鈔矣明年始爲之序蓋  
戊辰七月二十一日也

序

太史公曰古者富貴而名磨滅不可勝記唯俶儻非常之人稱焉正庵先生其非常人與何見之卓也當明之亡貴戚藉藉雖有季氏之富曾不獲一日畱其在下也平居里巷相慕悅財堪耦國詡詡自號文人利害及身置君父於不顧遑論友朋眾怒旣張求生無路乃分其餘瀝曰助餉正人君子偶爲所惑而謗叢焉是可痛也自東江事起正餉義餉爭敗靡已正庵先生獨慨然發其家得十萬金逕送錢督師營而家以是落江師航海

猶貨其田園奴婢之未盡者以應之室如懸罄結社湖  
上宴如也時則有若陸披雲宇燦董曉山劒鏢葉天益  
謙陸雪樵稷范香谷兆芝余生生畜與先生號爲湖上  
七子慷慨悲歌以抒鬱結曉山稱其詩如異峯幽澗嗟  
峨淡冽不類人間蓋雖偃蹇而不欲與世接者也壽鏞  
喜讀先生詩尤喜其短歌一章其歌曰黃金匣已充白  
髮頭旋塞胡不揮多金買髮令長黑千古無其人蓄金  
毋乃貳金旣無補衰漫爲後裔德子孫莫論愚卽賢亦  
受賊何若散親故小小稱達識嗚呼小小稱達識者天

下有幾人哉然則傳先生之詩傳先生之達識也富貴  
而名磨滅者多矣豈惟磨滅其汙穢史策者奚可勝道  
聞先生之風亦可以少媿矣民國二十二年十月後學  
張壽鏞序

宗徵君墓幢銘

全祖望

改玉之際吾鄉諸遺老社會極盛而湖上之七子苦節  
爲最七子之中以詩言正庵先生爲最正庵先生姓宗  
氏諱誼字在公原籍南直隸徽州府歙縣遷鄞曾祖某  
祖某父某徽俗以懋遷有無爲業起家至陶猗者不可  
指屈先生之父亦以此豪於貲而先生之性所好獨在  
詩繞牀阿堵絕口不道若饗儒然江東事起議以正兵  
食正餉義兵食義餉正兵者方王諸營是也義兵者孫  
熊幾沈諸營是也正餉之出自田賦者既盡隸方王而

浙東數十州縣各有義兵但食其地勸輸之餉勢既不  
給尙時時爲正兵所掠奪於是遂乏食鄣之義餉以故  
太僕富推之爲主其人已迎降江上爲諸公脅之以從  
則日輦兼金賂貴戚得入閣反乾沒里中所輸而出內  
於軍中甚吝先生慨然發其家得十萬金徑送錢督師  
營督師疏請獎之且言其才宜在館閣監國召詣都堂  
先生曰是將以下式出身也辭不赴江師航海資糧屢  
屢不能不仍仰之內地先生家已落猶貨其田園奴婢  
之未盡者以應之蓋至是屏當一空遂無擔石之儲而

先生怡然湖上之結社也陸披雲董曉山葉天益陸雪樵皆鄞產范香谷則定產而蜀人余生生以寓公亦預焉七子以扁舟共遊湖上或孺子泣或放歌相和或睽目視岸上人多怪之先生之詩如怪峯奇瀾嵯峨淡列不自人閒所著有南軒南樓二集湖上集蘿巖集西村集療飢集晚年合爲愚囊橐刪定得六卷然此皆其外集頗和平至內集則無見者先生性狷急嘗在先贈公座中擁爐圍火適有客至其人頗遊時貴之門將以淡巴菰引火先生拂然遽曰汙吾火矣晚年所居僅破屋

時至絕粒哦詩不衰先生生於某年月日卒於某年月  
日夫人某氏葬某鄉某原其愚囊橐今藏董生秉純蓋  
周卽墨證山所手書其銘曰

於國有益於家奚惜其命雖窮其詩則工荒江夕照靈  
禽所弔讀我銘文如見其人

愚囊彙稿目錄

卷一

五言古

詠史二首

古風二首

鉏菜

田園雜興

登招寶山題石壁

雪竇妙高臺看月

午餐

祀圃神

雪菜

秋興三首

至五港

缺

送曉山客遊

短歌

食韭餅作

無紙

偶書屋壁

喜余生生至

新月

感興

治圃

漁父詞

湖上田家二首

灌秋蘭有感而作

尋白沙泉過湖中

曉山粵歸示詩及文志喜

西溪看梅寄周證山三十生日

贈賣菊翁

贈湖客

雨夜述懷示友人

吳山看雪

北山

題賣菊翁草堂

贈香餅園沈老人

感興

蠶婦吟二首

宿蘿巖西庵

入仙姑洞

蘭開

尋蘿巖西庵老衲不遇

九日村行

鄰雞歌

觀兒輩治圃

效古五首

哭老姊

齋徑二梅有友朋晤對致作數語賞歎

餌鳥

齋南頗豁時見南山

過阿育王嶺

言懷二首

某氏小園

九日塾前暴背

航中

探菊十二韻

湖干觀魚

楊露庵草堂看菊

趙友遺余菊一盆賦詩以謝

餓中得句未能自裁就正曉山三十韻

坐雨

七言古

後鷓鴣捕魚歌

賣書歌

西郊吟

爲楊振公題所藏張東村洞庭圖

食烏葉菜作

宿寶嚴山寺

秋日南樓感舊

宿故人子張紹中家

打鴨歌

思飲酒作

寄贈瑞巖李叟

買湖魚不得

夜坐吟

喜二周子至西泠